


Ժ. Ա. ՄԱՆԱՍՅԱՆ

ԵԳԻՊՏՈՍԻ ՏՆՏԵՍՈՒԹՅԱՆ ՄԵՋ «ԲԱՑ ԴՌՆԵՐԻ»
ՔԱՂԱՔԱԿԱՆՈՒԹՅԱՆ ԶԱԽՈՂՈՒՄԸ

Եգիպտոսի սոցիալ-տնտեսական կյանքում 70-ական թթ. սկիզբը բնութագրվում է նշանակալից փոփոխություններով: Պրեզիդենտ Նասերի հանկարծահաս մահը, որը հանգեցրեց երկրում քաղաքական դեկավարության փոփոխմանը, տեղի ունեցավ այն պահին, երբ ճգնաժամային վիճակում գտնվող տնտեսության ոլորտում անհրաժեշտություն էր դարձել անհապաղ միջոցառումների ձեռնարկումը: Երևան էին եկել տնտեսական աճի նվազման նշաններ՝ 1969—1970 թթ. 6,9 տոկոսի դիմաց 1970—1971 թթ. այն իջել էր 4,8 տոկոսի: 1967 թ. իսրայելական ագրեսիան նյութական մեծ կորուստներ պատճառեց, ռազմական ծախսերն աճեցին, որոնց ծավալը 70-ական թվականների սկիզբում համապատասխանում էր Եգիպտոսի ազգային համախառն արտադրանքի 25 տոկոսին: Մոլեգնում էր դրամարժեքի անկումը, չէր բավականացնում մթերքը, համախառն արտադրանքը կտրուկ նվազում էր:

Ջարգացող երկրների տնտեսության պետական հատվածի սովորական թերությունները պատճառ և առիթ ծառայեցին հետադեմ տարրերի ելույթների համար, որոնք սկսեցին ավելի հաճախակի և ավելի բարձրաձայն խոսել պետհատվածի վերացման և տնտեսության դեկավար բարձունքները մասնավոր ձեռնարկություններին հանձնելու մասին: Այդ ժամանակ առաջ եկած «ուղու ճշգրտման շարժումը» եգիպտական հեղափոխության կերպարանափոխման ընթացքի նախընթացն էր:

Եգիպտական «նոր կապիտալիստները», որոնց առաջնահերթ նպատակը մասնավոր ձեռնարկատիրական գործունեությունը պետության վերահսկողությունից դուրս բերելն էր, իսկ վերջնականը՝ երկրի տնտեսության առավել շահութաբեր ճյուղերում տիրապետող դիրքերի



գրավումը, ոգևորված կառավարության աջակցությամբ, հանդես էին գալիս հենց պետական ձեռնարկության գաղափարի քննադատությամբ, պատճառաբանելով, որ պետական ձեռնարկությունները փաստորեն մշտապես աշխատում են ոչ լրիվ կարողությամբ, քանի որ ներքին շուկայում նրանց որևէ մրցակցություն չի սպառնում: Ձայներ էին հնչում, որոնք պահանջում էին պետական հատվածի գլխավոր վարչությունների արժեթղթերի վաճառք, դրամատնային, վալյուտային ու հարկային համակարգի վերափոխման, արտահանման—ներմուծման գործառույթյունների բնագավառում պետհատվածի դիրքերի թուլացում:

«Նախկին ժամանակաշրջանի սխալների ուղղման» պատրվակով Եգիպտոսի պրեզիդենտ Սադատը 1971 թ. փետրվարին հայտարարեց հինգ հազար խոշոր հողատերերի՝ նախկինում խլված հողերի դիմաց դրամական փոխհատուցում տալու, 800 խոշոր կալվածատերերի հողը վերադարձնելու և բռնագրավման քաղաքականությունից հրաժարվելու մասին: Ուշադրության են արժանի այդ նույն տարում հրապարակված երկու օրենքները՝ «Արաբական կապիտալի ներդրումների մասին» (№ 65) և «Արտաքին առևտրի և զարգացման եգիպտական դրամատան հիմնադրման մասին» (№ 77), որոնք մատչելի էին դարձնում Եգիպտոսի տնտեսության մեջ օտարերկրյա կապիտալի ներթափանցումը:

Համաձայն № 65 օրենքի արաբական և այլ օտարերկրյա կապիտալ ներդրումների բերած շահույթները հինգ տարի ազատվում էին եկամտահարկից, օգտագործած կապիտալ ներդրումներից ստացված մաքուր շահույթը կարող էր փոխադրվել արտասահման ներդրման՝ վալյուտայով: Օրենքը երաշխավորում էր ներդրման պահից հինգ տարի անց հետագա հինգ տարիների ընթացքում օտարերկրյա կապիտալի դուրս բերում երկրից: Օտարերկրացի մասնագետներին իրավունք էր տրվում օտարերկրյա վալյուտայով արտասահման փոխադրել իրենց աշխատավարձի կեսը:

№ 77 օրենքը նպատակ ուներ արտասահմանից արտոնյալ պայմաններով օտաբերկրյա վալյուտայով միջոցներ ներգրավել պետական և մասնավոր ընկերությունների և ուղղակի ներդրումային գործարքների համար: Բանկային ավանդները աղգայնացման կամ բռնագրավման ենթակա չէին, ավանդատների եկամուտները զերծ էին մնում հարկումներից, իսկ դրամատան գործառույթյունները դուրս էին մնում եգիպտական օրենքների իրավասությունից:

Այժմ արդեն ակնհայտ դարձավ նոր ղեկավարության տնտեսական կողմնորոշումը: Դա հուլյան Արևմուտքի հետ կապելու, եզրկտական տնտեսության ֆինանսավորման համար օտարերկրյա մասնավոր և սեփական կապիտալի ներգրավման նպատակով ներդրումային միջոցառումներ ստեղծելու քաղաքականությունն էր: Նոր ուղղության սկզբունքները ձևակերպվեցին 1974 թ. հրապարակված «Հոկտեմբերյան աշխատանքային փաստաթղթում», որը պաշտոնապես հաստատեց Եզրկտոսի սոցիալ-քաղաքական կողմնորոշման կտրուկ փոփոխությունը:

«Բայ դռներ» քաղաքականությունը իրավական հենքի վրա դնելու և օտարերկրյա կապիտալին ազգայնացումից ու բռնագրավումից իրաշխիքներով ապահովելու համար, այդ նույն 1974 թ. եզրկտական կառավարությունը հրապարակեց «Արաբական և օտարերկրյա ներդրումների և աղատ գոտիների մասին» № 43 օրենքը³: Չորս գլխից բաղկացած այդ օրենքը (1—«Արաբական և օտարերկրյա ներդրումների և աղատ գոտիների գլխավոր վարչությունը», 2—«Բաղմազ ձեռնարկախմբերը», 3—«Արաբական և օտարերկրյա ներդրումների և աղատ գոտիների գլխավոր վարչությունը», 4—«Աղատ գոտիները» օտարերկրյա կապիտալին հնարավորություն ավելի մուտք գործել արդյունաբերություն, լեռնարդյունահանություն և դրամատները, այսինքն՝ այն ճյուղերը, որոնք նախկինում պատկանում էին պետական հատվածին: Աղատ գոտիներում գործող միջազգային կադմակերպություններն ու ընկերություններն աղատվում էին ամեն կարգի հարկերից: Օտարերկրյա կապիտալը կարող էր իր գործունեությունը վարել առանց երկնչելու պետական վերահսկողությունից: Հիմնվելից Արաբական և օտարերկրյա ներդրումների գլխավոր վարչություն: Տնտեսության և պլանավորման մինիստրությանը ենթակա այդ վարչության հիմնական պարտականությունն էր «բաց դռներ» քաղաքականության շրջանակներում հաստատել տնտեսական ծրագրերը:

1975 թ. հրապարակվեց պետական հատվածի գլխավոր վարչությունների վերացման մասին օրենքը: Այս օրենքը անխուսափելի արդյունքն էր պաշտոնական այն հայտարարությունների, որոնք պնդում էին, թե «ամբողջ պետահատվածի միասնական ծրագրի որևէ անհրաժեշտություն չկա, քանի որ տնտեսական գործունեության յուրաքանչյուր ճյուղ, նույնիսկ յուրաքանչյուր արտադրական միավոր կարիք ունի իր զարգացման սեփական ծրագրերի, որոնք հաշվի են առնում տնտեսության այս կամ այն օբյեկտի արտադրական գործունեության առանձնահատկությունն ու յուրահատկությունը⁴:

Այսպիսով, այդուհետև պետականացված պլանավորման համակարգը դադարեց գոյութիւն ունենալուց։ Բացի այդ, պետական վերահսկիչ կոորդինացիոն հաստատութիւնների վերացման հետ մեկտեղ օրենքը մասնավոր անձանց թույլ տվեց ձեռք բերել պետականացված ընկերութիւնների արժեթղթեր, իսկ մասնավոր հատվածի մասնագետներին՝ մտնել պետականացված ընկերութիւնների վարչական խորհուրդների կազմի մեջ։

1975 թ. ընդհանուր ազգային արտադրութիւն մեջ առաջին անգամ պետականացվածի մասնաբաժինը նվազեց 54,5 տոկոսից՝ 53,3 տոկոսի։ Ի լրումն դրա՝ ԵԱՀ-ի կառավարական գերատեսչութիւնները քննարկեցին և հավանութիւն տվեցին պետական 95 կազմակերպութիւնների և հաստատութիւնների ապաազգայնացման հարցին, որոնց մեջ էին նաև Կահիրեի և Ալեքսանդրիայի փոխադրական ծառայութիւնները, ճանապարհների շինարարութիւնն ու շահագործումը, հողաբարելավումը, երկաթահանքային համալիրը, հեռահաղորդակցութիւնը և այլն։ Պետականացված գործարանները հնարավորութիւն ստացան սեփական վալյուտային ֆոնդի առկայութիւն դեպքում և կամ օտարերկրյա վարկերով ֆինանսավորելիս, առանց նախնական թույլտվութիւն ապրանքներ ներմուծել։

Զնայած այս օրենսդրական վավերագրումներին և եգիպտական մամուլում լայնորեն գովաբանվող օգուտներին ու առավելութիւններին, որ ինչպես Եգիպտոսին, այնպես էլ զարգացած կապիտալիստական երկրներին իբր բերում է «բաց դռների» քաղաքականութիւնը, սկզբնական շրջանում եգիպտական տնտեսութիւն մեջ օտարերկրյա ներդրումները ծայրահեղորեն դանդաղ էին աճում։ Դա առաջին հերթին վերաբերում էր օտարերկրյա մասնավոր ներդրումներին։ 1975 թ. 1974 թ. համեմատութիւյամբ ո՛չ վարկային գործառութիւնների ասպարեզում և ո՛չ էլ փոխառութիւններ տրամադրելու գործում արեւմտաեվրոպական պետութիւններից կապիտալի հոսքի և Եգիպտոսի հետ տնտեսական համագործակցութիւն ծավալի մեծացում չէր նկատվում։ 1976 թ. վերջին ԵԱՀ-ի տնտեսութիւն մեջ ներդրված էր ընդամենը 75 մլն. դոլար օտարերկրյա մասնավոր կապիտալ։

Օտարերկրյա կապիտալի թույլ հոսքից մտահոգված եգիպտական կառավարութիւնը դիմեց նոր զիջումների։ 1977 թ. վերանայվեց 1974 թ. սկսած և օտարերկրյա ներդրումների և աղատ գոտիների մասին» օրենքը և № 32 օրենքով նրա մեջ փոփոխումներ մտցվեցին⁷։ Գլխավոր

փոփոխություններից մեկն էր կապիտալի և եկամուտների ոչ թե պաշտոնական, այլ փոխանակման կուրսով երկրից արտարկելու թույլատրումը: Փոփոխությունները ընդլայնեցին նաև արաբական և այլ օտարերկրացի ներդրողների կապիտալների հնարավոր ներդրման ուղորտները: Մտցվեց ևս մի փոփոխություն, որի համաձայն Եգիպտոսի բաժինը համառոտել բաժնետիրական ընկերությունների մեջ չպետք է լինեիր 50 տոկոսից պակաս, իսկ տեխնիկա և տեխնոլոգիա մատակարարող ընկերությունները պիտի ընդունեին համառոտել արտահանող ընկերությունների տեսք:

Այս միջոցառումների հետևանքով օտարերկրյա մասնավոր ձեռնարկատիրական գործունեության որոշ աշխուժացում նկատվեց, սակայն այդ աշխուժությունը արտահայտվեց ոչ թե արդյունաբերության կամ գյուղատնտեսության մեջ, ինչպես նախատեսում էր եգիպտական կառավարությունը, այլ անարտադրողական ոլորտներում: Վետհատվածի ձեռնարկությունները տեղական և օտարերկրյա մասնավոր հատվածի միջակցությունը շղիմանալով աշխատում են սոսկ իրենց կարողության քառորդով, շատերը փակվում են: Օրինակ, պետհատվածի 235 ձեռնարկություններից 70-ական թվականների վերջին մնացին միայն 7-ը⁸:

Չնայած ինչպես գների մակարդակի, այնպես էլ բաշխումների ուղորտի անարխիայի դեմ կառավարության միջոցառումներին, աշխատավորական զանգվածների գրությունը շարունակում էր մնալ ծանր: 1980 թ. հունվարին ընդունված 10 տոկոսով աշխատավարձը բարձրացնելու և ապրուստի թանկացման դեմ նպաստահատուցում մտցնելու մասին որոշումը պետհատվածի աշխատավորների համար ցանկալի արդյունք չտվեց, դրամարժեքի նվազման աղետավոր չափի հետևանքով, որը 80-ական թվականների սկզբին հասավ 60 տոկոսի⁹:

«Ինֆիթհա» տարիներին աներևակայելիորեն աճեց կաշառակերությունը: Այդ հսկայական շղթան սկսվում էր միջնորդներից և հասնում մինչև կառավարության անդամները: Այսպես, ԵԱՀ-ի վարչապետի նախկին տեղակալ Ա. Սուլթանը ամերիկյան Վեեստինգհաուզ էլեկտրիկ քորփորեյշնից» ստացել էր 332 հազ. դոլար՝ 30 մլն. դոլարի էլեկտրատեխնիկական սարքավորում մատակարարելու գործարքագիր ստորագրելու համար¹⁰, իսկ «Բոհնգ» ընկերությունը, կաշառելով քաղաքացիական օդատորմիդի մինիստր Նուհին, Եգիպտոսին վաճառեց խոտան շարժիչներով ինքնաթիռներ¹¹:

Չէր լուծվում նաև բնակարանային սուր խնդիրը: 1979 թ. Եգիպտոսը կարիք ուներ 1,11 մլն. բնակարանի, բայց կառուցվեց միայն 27 հազար: 1980 թ. Կահիրեում անօթևանների թիվը հասավ 400 հազարի: Տարեկան մոտ 80 հազ. կահիրեցիներ թողնում են իրենց բնակարանները: Արագ աճող բնակվարձը նրանց կարողութուններից վեր է, քանի որ տանտերերը պահանջում են երկրում միջին ամսական աշխատավարձը 100 անգամ գերազանցող մի գումար:

70-ական թթ. ընթացքում կառավարութունը ի վիճակի չեղավ լուծել նաև փոխադրամիջոցների խնդիրը: Մոտ 10 միլիոնանոց Կահիրեի բնակչությանը հասնում էր ընդամենը 11 հազ. ավտոբուս: Ալեքսանդրիա քաղաքի փոխադրամիջոցների գլխավոր վարչութունը ճապոնական «Միցուբիսի» ընկերությունից գնեց տրամվայի հնացած նմուշներ, հրաժարվելով ՉՍՍՀ-ի արտահանող կազմակերպությունների օգտավետ առաջարկից: Այդ շահանհնգության մասնակիցների հասցրած ընդհանուր վնասը գնահատվեց 8 մլն. դոլար¹²:

«Բաց դռների» քաղաքականությունը դիպչում էր նաև գյուղատնտեսությանը: «Ինֆիթահի» քաղաքականության շրջանակներում եգիպտական գյուղում իրագործված սոցիալ-տնտեսական միջոցառումները ուղղված էին խոշոր և միջին հողատերերի մեջ ձեռնարկատիրական գործունեության քաջալերմանը: Արդեն հիշատակված 1971 թ. վերափոխումներից բացի, նախկին խոշոր հողատերերի 600 ընտանիքների հողերի և ունեցվածքի վերադարձման համար 1974 թ. վերսկսվեց մի նոր արշավ, իսկ 1975 թ. օրենք ընդունվեց հողատերերի և վարձակալների միջև հարաբերությունների փոփոխման վերաբերյալ: Վարձավճարի չափը բարձրացվեց 20—25 տոկոսով, հողատերերն իրավունք ստացան լուծարել վարձակալման պայմանագիրը, եթե գյուղատնտեսության տարեշրջանի ավարտից երկու ամիս անց վարձակալողը մոտած չլինի վարձավճարը: Նոր հողերի յուրացման խնդիրը լուծելիս կառավարութունը ձգտում էր ներգրավել մասնավոր կապիտալին՝ քաջալերելով օտարերկրյա կապիտալի մասնակցությամբ խառն ընկերությունների ստեղծումը: Ըստ եգիպտական մամուլի հաղորդումների, այդպիսի ընկերությունների ստեղծման վերաբերյալ համաձայնություններ ձեռք բերվեցին ԳՖՀ-ի, ԱՄՆ-ի, Հարավսլավիայի, Սուդանի հետ¹³: Գյուղում տնտեսական «ազատականացման» քաղաքականությունը հանգեցրեց միջին ու խոշոր հողատերերի, հարուստ քաղաքացիների և առևտրականների կողմից հողերի ձեռքբերմանը:

Դյուղատնտեսության բնագավառում վերափոխությունները 70-ական թթ. կեսին ծնեցին նոր երևույթ՝ գյուղատնտեսական առևտրի պակասորդ։ Դյուղատնտեսական ներմուծման և արտահանման միջև ճեղքվածքը սկսեց անընդհատ մեծանալ և շնայած այն ծրագրերին, որոնք նպատակամղված են գյուղատնտեսական արտադրության համաճարակ պատճառների վերացմանը, երկրի բնակչության աճի զսպմանը, որևէ նախադրյալ չկա, որ մոտակա տարիներին Եգիպտոսը կկարողանա իրեն ապահովել սննդամթերքով։

Դյուղատնտեսական մթերքների հարաբերականորեն աննշան ներմուծողից վերջին տարիներին Եգիպտոսը, մասնավորապես ցորենի ներմուծման գծով, գրավում է աշխարհում 5-րդ տեղը։ Այսպես, 1979 թ. գյուղատնտեսական արտադրանքի ներմուծումը կազմեց 2 մլրդ. դոլար, որը երկու անգամ ավելի է գյուղատնտեսական արտահանումից և 7 անգամ գերազանցում է 1970—1973 թթ. ներմուծումը¹⁴։

Պետական հատվածի դիրքերի վրա հարձակման և մասնավոր ձեռնարկատիրական գործունեության քաջալերման քաղաքականությունը նպաստեց հասարակության սոցիալական շերտավորման ուժեղացմանը՝ մի կողմից պորտաբույծ բուրժուազիայի եկամուտների աճին, մյուս կողմից աշխատավորական լայն զանգվածների կենսամակարդակի ցածրացմանը։

80-ական թթ. սկզբին «բաց դռների» քաղաքականության կործանարար հետևանքների մասին սկսեց գրել նույնիսկ եգիպտական պաշտոնական մամուլը։ Այսպես, կառավարող Ազգային-ժողովրդական կուսակցության զեկուցագրում խոսվում էր եկամուտների բաշխման մեջ լուրջ խախտումների մասին։ Եվ իսկապես, 70-ական թթ. երկրում ընթանում էր եկամուտների վերաբաշխման պրոցես, հօգուտ ունևոր խավերի։ 1982 թ. սկզբի տվյալներով ԵԱՀ-ի բնակչության 1/20 տիրում էր ազգային համախառն արտադրանքի 80 տոկոսին այն ժամանակ, երբ եգիպտացիների 2/3-ը կիսաքաղց էր։

«Ինֆիթհա» քաղաքականության շնորհիվ հարստացած եգիպտացիների նոր խավը Սադաթի օրոք իրեն վստահ էր զգում, իմանալով, որ համարյա որևէ վերահսկողության չենթարկվելով ցածր վարձատրվող պաշտոնյաների կողմից, որոնց կաշառում էր, ինքը կարող է հասնել այն ամենին, ինչն իրեն պետք է։ Իրենց շրջապատելով շքեղությամբ, նորահարուստները ոչ միայն չէին փորձում սքողել այդ, այլ նույնիսկ կարծես ի ցույց էին դնում։ Դրանով իսկ նրանք գրգռում էին

բնակչության ընչազուրկ մեծամասնությանը: Հենց այդ անսքող հակա-դրություններն էլ դարձան ֆունդամենտալիզմի տարածման և տարասեռ կրոնական ծայրահեղական խմբավորումների ազդեցության ընդլայնման գլխավոր պատճառներից մեկը, որոնց զոհն էլ դարձավ Սադաթը, որը ֆունդամենտալիստների աչքում մարմնավորում էր «ինֆիթահի»՝ որպես «արևմտյան կենսաձևի» դրսևորման արատները:

Որպեսզի մեղմի ժողովրդական լայն զանգվածներին և հանգստացնի բուրժուազիայի տարբեր խավերին, ԵԱՀ-ի նոր պրեզիդենտ Մուբարաքը առաջ քաշեց «պայքար կաշառակերության դեմ» կարգախոսը: Սադաթի մահին հաջորդած ժամանակամիջոցում եգիպտական նորահարուստների ֆինանսական շահանհնգությունների բացահայտման հետ կապված խայտառակությունները ավելի մեծ թափ ստացան: Հստ որում զերծ չմնացին նույնիսկ Սադաթի ընտանիքի անդամներն ու մերձավորները, որոնք մասնակցություն էին ունեցել շահութաբեր գործարքներին: Կառավարության կողմից վերահսկվող մամուլը, պրեզիդենտ Մուբարաքի իշխանության գլուխն անցնելուց՝ անմիջապես հետո, պահանջեց պաշտոնատար այն անձանց հեռացումը, որոնք կասկածվում էին կաշառակերության մեջ:

Գիտակցելով սոցիալական աղաղակող հակադրությունների սպառնացող պայթյունի վտանգավորությունը, իշխանություններն ամեն կերպ փորձում են ժողովրդին համոզել, թե իրենց ձգտումն է վերականգնել սոցիալական արդարությունը՝ անհոգ շահամոլների սանձահարոսմը, այլասերված յարրերին պատասխանատվության ենթարկելը:

Այսպիսին է եգիպտական տնտեսության մեջ «բաց դռների» քաղաքականության ձախողումների իրական պատկերը՝ տնտեսական զարգացման անկախ ուղու փոփոխման, ՍՍՀՄ-ի և մյուս սոցիալիստական երկրների հետ համակողմանի համագործակցությունից հրաժարվելու օրինաչափ հետևանքը:

Ж. А. МАНАСЯН

ИЗДЕРЖКИ ПОЛИТИКИ «ОТКРЫТЫХ ДВЕРЕЙ» В ЭКОНОМИКЕ ЕГИПТА

Начало 70-х годов охарактеризовалось значительными переменами в социально-экономической жизни Египта: пришедшее к власти новое политическое руководство провозгласило политику «открытых дверей».

• В данной статье автор рассматривает проблему воздействия политики «открытых дверей» на экономику АРЕ в период нахождения у власти президента Садата.

Автор подчеркивает такие пагубные последствия этой политики как ослабление государственного сектора, усиление экономической зависимости АРЕ от развитых стран империалистического лагеря, усиление социальной дифференциации общества — рост доходов паразитической буржуазии с одной стороны, и снижение жизненного уровня широких трудящихся масс — с другой.

1 B. Hansen, K. Nashashibi. Egypt: foreign trade regimes and economic development. N., Y., 1975, p. 121.

2 А. Васильев, Социально-политическая эволюция Египта в 70-е годы — «Азия и Африка сегодня», № 6, 1978 г.

3 Law № 43 concerning the investment of Arab and foreign Funds and Free Zones. Cairo, 1977.

4 الاخبار، القاهرة، ١٩٧٦-١٩٧٧

5 Moniteur du commerce, International, P., 1978, № 283, p. 20.

6 MEED. December, 26, 1976.

7 National Bank of Egypt. Economic Bulletin, 1978, № 2, p. 137.

8 За рубежом, № 24, 1979.

9 Советская торговля, № 14, 1980 г.

10 International Herald Tribune. 27.10.1978.

11 الاخبار، ٢١-١-١٩٧٩

12 О. Г. Герасимов, А. Г. Князев, Египет. Десять лет после Насера, М., 1980.

13 الجمهورية، القاهرة، ٢١-٨-١٩٧٥

14 Foreign Agriculture, vol. 17, № 16.

15 «Правда», 16.02.1982.